

Rostrum rufescenti-flavens, articulo primo medium xyphi prosterni subsuperate, ultimo basi excepta nigro-piceo. Antennae mox infra medium orbitae interioris oculorum interne insertae. Scutellum modice convexum, laeve. Hemelytra laevia, lateribus corii pallidioribus. Tibiae spinulis crassitiei tibiae aequae longis. Tarsi margine inferiore articuli primi eodem secundi longiore. Segmentum maris genitale ad angulum sinus sinistri aperturæ plica instructum, inferne carina media longitudinali bene elevata.

### 3. *Charitocoris rufoplagiatus* n. sp.

Pallide flavo-virens, nitidulus, scutello hemelytrisque subtiliter flavicanti-pubescentibus; capite callisque pronoti sordide rufescentibus vel dilute fuscescentibus; extremo apice rostri nigro; clavo intra venam usque ad medium commissurae, corio plaga obliqua in tertia apicali parte, margine interiore cunei venisque areolae minoris membranae sanguineis; femoribus posticis sat parce rufo-adpersis, tibiis breviter nigro-spinulosis, tarsis solum extremo apice cum ungviculis fusco; vertice (♀) oculo fere dimidio vel  $\frac{2}{3}$  latiore. ♀. Long.  $6\frac{1}{2}$ , lat.  $2\frac{1}{2}$  mm.

Caput Bonae Spei, D. Drège.

*Ch. sanguineonotato* Reut. signaturis sat similis, major et robustior, colore pallide flavo-virente, vertice latiore, pronoto fortius transverso, basi concolore, cuneo margine interiore sanguineo tarsisque solum extremo apice angustissime fusco divergens. Caput (♀) nutans, basi pronoti fere duplo angustius, ab antico visum latitudine verticis oculique unci parum longius, a latere visum altitudine basali longitudine subaequale, vertice immarginato, sulco longitudinali destituto, fronte modice convexa, clypeo prominente, verticali, basi a fronte distincte discreto, ipsa basi in medio altitudinis capitatis a latere visi posita, loris haud buccatis, genis humilibus, gula distincte obliqua, peristomio aequae longa. Oculi pronoto contigui, minute granulati, orbita interiore sinuati. Rostrum apicem coxarum intermediarum attingens. Antennae (♀) sat longe supra apicem oculorum interne insertae, articulo primo capite ab antico viso paullo brevior, secundo lineari, primo fere triplo longiore et margini basali pronoti aequae longo. Pronotum latitudine basali circiter